

INUIT ATAQATIGIIT

Inatsisartuni



18. juni 2018

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1. Aningaasaqarnermut Naalackersuisumut apeqquteqaatigisanni 2018-095-imut akissuteqaammi Naalackersuisoq pineqartoq akivoq mittarfiliortiternerit nunaqarfinnut aamma illoqarfinnut mikinernut iluaqutaassasoq. Tamanna tunngavilersukkamik paasissutissartalimmillu akineqarsinnaava?**
- 2. Imaappa mittarfissuit sananeqarnerisa kingorna Kalaallit Airport-ip iluanaarutaanniit inuiaqatigiit aningaasanik nunatta karsia pissarsisalissasoq?**
- 3. Mittarfiliorterup kingorna Kiffartuussinermik isumaqatigiissutit sipaarutissartai qassiuppat?**
- 4. Imaappa nunaqarfimmiut illoqarfinnilu mikisuniittut mittarfissualiortiternerup kingorna aningaasatigut iluaqutigissagaat? Tunngavilersuutitai kissaatigaakka**
- 5. Mittarfissualiornissat pillugit Aningaasaqarnermut Naalackersuisup inuiaqatigiinnut aningaasaqarnikkut kingunissaasa ernumanartoqannginnerannik tunngavilersuutaa, tassalu Alloriarneq 2-mi pineqartut oqaatsit kisitsisillu suut ernumanarunnaarsitsisutut pivai?**
- 6. Apeqquteqaammi 2018-095-imi takornarissat marloriaammik amerlissanngikkaluarpata mittarfinnik sanaartornerup kingorna aningaasartuutissat matussuserniagassat pillugit Naalackersuisut qanoq sillimmartaarnersut akissutigineqanngilaq. Kissaatigaara apeqquut akineqassasoq. Akissuteqaammi iliuusissat suut Aningaasaqarnermut Naalackersuisup saqqummiussinnaavai?**
- 7. Aningaasaqarnermut Naalackersuisup mittarfissualiorterup aningaasartuuteqarfiusussaaneri pillugit kommunit aningaasatigut qanoq eqqorneqarsinnaaneri pillugit qulaajaanernik ingerlatsisimanerpa?**
- 8. Aningaasaqarnermut Naalackersuisup mittarfissuit sananiarneqartoq massakut Naalackersuisut saqqummiussaattut iluseqartillugit tamakkiisumik tutsuiginartutut illersorneqarsinnaasutullu nalilerpai?**

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Apeqquteqaat aallaavigalugu §37 malillugu Inatsisartut suleriaasianni apeqquteqarnikku siuliani Aningaasaqarnermut Naalackersuisuniit akissutigineqartut naapertorlugit erseqqissassavara Inatsisit naapertorlugit 2018-095-imut akissuteqarsimagama. Tamannalu Naalackersuisumit pineqartumiit akissutigineqartunut uparuaanertut nipilimmik akissuteqarmat erseqqissassavara Inatsisit malillugit suleriaaserlu naapertorlugu apeqquteqaatit suliarisimagakkit.

Massakkullu apeqquteqaqqinninnut tunngavigaara apeqqutit siulliit nassiussakka akineqarnerat naammaginnginnakkit aamma apeqqutit ilai akineqarsimanngimmata, kiisalu Naalackersuisut pineqartup akissummini Alloriarneq 2 innersuuttagaa annertummat tassani oqaaseqatigiit kisitsisillu sorliit innersuunnerai paaserusuppakka.

Taamaalliorpunga aalajangiiffigisassaq annertoq aningaasarpassuarnik malitseqartussaq pimoorussamik tunngavilersukkamillu Naalackersuisuniit aamma suliarineqassammat.

Inatsisartunut ilaasortat aalajangiinissaminni tunngavissanik katersillutik suliniarneranni Naalackersuisut erseqqissumik tunngavilersukkanik akisannginnerat assut ilungersunartutut isigaara. Taamaattumik apeqqutit siuliini nassiussakka aamma massakut matumani apeqqutit nassiussakka erseqqissumik tunngavilersukkamillu akineqarnissaat kissaatigaara.

Naalackersuisut oqaatigaat mittarfiit pillugit piaartumik aalajangiisoqarnissaa pisariaqartoq. Inatsisartunullu ilaasortat aalajangiissagunik aamma aalajangernissaminnut tunngavissanik erseqqissunik Naalackersuisuniit tuniorarneqarnissaat pingaaruteqaqaaq. Tunngavilersuutit ukua aallaavigalugit, Inatsisartullu suleriaasiat naapertorlugu apeqquteqaatima erseqqilluinnartumik akineqarnissaat kissaatigaara.

Kissaatigaara apeqqutit ullut suliffiusut qulit qaangiutsinnagit akineqarnissaat.